



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

## **Viridarivm Sanctorvm**

Ex Menæis Græcorum lectum, translatu[m] et Annotationib. similibusq[ue]  
passim, historijs Latinis, Græcis; editis, ineditis illustratum

**Rader, Matthäus**

**Avgvstae Vindelicorvm, 1607**

S. Athenogenes M. & P.

**urn:nbn:de:hbz:466:1-43013**

267 S. ATHENOGENES M.&P.

monumentum similiter venerata, Hierapolim regressa est, multaque euentura, Chosroe vaticinata (cum etiam Romanis de eius ad ipsos perfugio ac transitione, antequam fieret, praedixisset) & vita exemplo Angelico, atque ut decet sancto, tum animo tunc corpore traducta, ab his rebus mortaliibus discessit, tolerantiaque corona cum triumpho semper in rediuita est.

Eadem paucioribus habet Euagrius lib. 6. c. 20. qui Galanducham nominat. Ego Simocattæ narrationi potissimum subscribo.

16 Iulij:

S. ATHENOGENES  
M. & P.

**E**RAT hic Sebastenus origine, Diocletiani imperio, captus a Philomarcho cum decem discipulis, multaque tormenta perpessus, tandem gladio vitam amisit. Fertur priusquam comprehenderetur, reuisenti ad monasterium suum, in quo tamen neminem offendit, quod omnes iam capti essent, cerua quam in cœnobio aluerat, occurrisse, cui bene precatus ut ne umquam in venatione, vel illa vel hinnuli illius caperentur, sed ut quotannis ad rei numquā intermorituræ memoriam, & ab ipsa, & post ipsam ex eius propagatione hinnulus adduceretur. quod & factum. Semper enim post S. Euagelij in templo lectionem, cerua

terua ingredi visa, quæ hinnulum sancto obtulit, rursumque recessit, hinnulum autem cætus ille sacerdotum, qui rebus diuinis operabantur ad S. memoriam summa cum animi hilaritate absumperunt, quod Christianis iuxta ac aliis summam attulit admirationem.

## ANNOTATIO.

**M**eraphrastes xvii. eius gesta refert, nec omnino cum his conuenit. Conule Baronij Martyrologium.

## S. MARINA M.

**E**x Pisidiæ vico ad Antiochiam, oriunda Aedesij Flaminis nata vnica fuit, quam pater defuncta matre, nutrici cuidam educandam commisit. Duodecennis Christianam fidem suscepit, quam à quibusdam vicanis ibidem edocta fuit. Sexto decimo anno martyrij desiderio percussa, certamen aggredi & perficere cupiebat. Quam Olymprius praeses ad se delatam comprehendit, atque in vincula coniecit, & post dies aliquot ad tribunal adductam intuitus, ob præstantem eius formam admiratione defixus rogat nomen, & conditionem, quæ: Marina, inquit, audio, Pisidiæ nata & alum-

17. Iulij.  
Menol. 8  
Menas.